



1609_311r_Table_1.jpg



1609_374v.jpg




1609. *Le Mercure François, ou,*
meureroient en leur ancien droit. Quel'esse-
ction des Magistrats annuels faicte par les ha-
bitans des villes tiendrait, & ne seroit plus
obserué la forme nouuelle de l'aggreation de
leur Election par l'Archiduc d'Aultriche. Que
les Protestans feroient pareil serment de fide-
lité qu'auoient faict les Catholiques, non tou-
tesfois selon les ceremonies de l'Eglise Ro-
maine, mais avec protestation de renoncer à
toutes ligues & vnions avec les estrangers. Que
tout ce qui s'estoit passé tant d'une part que
d'autre seroit oublié. Que les sieurs Volfgang
de Hoffkirchen & Voltfogi rentreroient en
leurs charges & estats dont ils auoient esté pri-
uez à cause du present trouble. Que dans les
fauxbourgs de toutes les villes situes sur la ri-
uiere * d'Amis, l'exercice libre de la Religion
Protestante s'y feroit: Et quelques autres arti-
cles particuliers.


*Deffaicte de
la compagnie
de Conigs-
berg.*

Par cest Edit l'Austriche demouroit en paix:
mais la retraicte des gens de guerre Protestans
se fait si lentement que l'Euesque de Vienne
voyant que les troupes de Conigsberg ne fai-
soient que tourner sur son territoire, piller
& ruiner le bon-homme, fait tant enuier le
Comte de Dampierre qu'il enuoya ses Valons
pour les charger; ce qu'ils feirent avec une si
soudaine surprise qu'ils en tuèrent & blesserent
cent cinquante, eurent leur bagage pour bu-
tin, & entr'autres la vaisselle d'argent de Co-
nigsberg. Les Protestans pour cest exploit se
voulurent remettre en armes, & le prenoient
comme une infraction de paix: mais le Roy


1609_375r.jpg




1609_375v.jpg




1609_376r.jpg




1609_376v.jpg



1609_377r.jpg



1609_377v.jpg



Le Mercure François, ou,
Cour de la nouvelle Prague.

1609.
*Supplient
l'Empereur
de leur donner
une chambre
dans son Pa-
lais.*
Les principaux des Euangeliques, pour de-
monstrer leur obeysance enuers l'Empereur,
le furent trouuer en son Palais, & en particulier,
le supplierent de leur donner vn lieu en iceluy
où ils peussent s'assembler, & escrire leur de-
fence pour la luy monstrer, & faire cognoistre
à vn chacun la iustice de leur demâde: ce qu'ils
ne peurent obtenir: mesmes leurs Ambassa-
deurs qu'ils auoient enuoyé vers le Roy de
Hongrie, & aux Esleuteurs & Princes de l'Em-
pire estans tous de retour ils allerent derechef
supplier sa Majesté Imperiale de leur donner
un lieu pour s'assembler, afin de faire leurs respo-
ces; dont ayans esté refusez, le huietiesme iour
de May sur le soir, à la sortie du Palais de l'Em-
pereur, ils conclurent entr'eux nonobstant les
deffences de sa M. Imperiale, d'aller tenir leur
Assemblée en la Cour de la nouvelle Prague:
puis s'estans tous iuré & touché dans la main
de vouloir viure & mourir ensemblement, ils y
coururent d'une grande violence: mais estant
nuict, & trouuant la porte fermee & sceellée, ils
remirent l'assignation au lendemain sept heu-
res du matin.

*Rombent les
portes de la
nouuelle Pra-
gue.*
A l'heure assignee du commencement plus
de trois cents Euangeliques s'y rendirent en ar-
mes, leuerent le seau, & rompirent les portes:
Budovits estant entré en la sale, & au milieu
d'eux, leur exposa l'importance de ceste entre-
prise, le peril où ils estoient, & des entreprises
que l'on auoit contr'eux: puis ayant faict vne
priere, il commença à chanter le *Veni creator* en

1609_378r.jpg




Image issue du site mercurefrancois.ehess.fr - Cliché (c) Cécile Soudan